

## **Sistem izbora u posebnom smještaju za starije osobe**

U općini Halmstad primjenjuje se LOV, Zakon o sistemu slobodnog izbora u posebnom smještaju za starije osobe (osobe starije od 65 godina), te smještaju za starije osobe koji ima odjeljenje za dementne osobe ili bez tog odjeljenja. To znači da, ukoliko ste dobili odluku referenta za pružanje pomoći u ovim pitanjima koja znači dobijeno mjesto u posebnom smještaju za starije osobe imate pravo da izaberete smještaj i da čekate dok to mjesto ne bude slobodno da vam može biti ponuđeno.

### **Ograničenja u ovom sistemu izbora mjesta u posebnom smještaju za starije osobe**

Izuzetak od ovog pravila važi za osobe koje se nalaze na bolničkom liječenju/u smještaju za kratke boravke i koje se ne mogu vratiti kući dok čekaju mjesto u željenom smještaju za starije osobe. U tom slučaju osobi se dodjeljuje slobodno mjesto koje kasnije može zamijeniti za željeni smještaj.

Osobe mlađe od 65 godina koje traže poseban smještaj za starije osobe nemaju mogućnost slobodnog izbora smještaja. Ove osobe predaju molbu za smještaj referentu za pružanje pomoći u ovom pitanju koji procjenjuje i analizira njihovu potrebu za ovim smještajem. Nakon toga se donosi odluka o odobrenju ili odbijanju molbe, te odluka o eventualnom plasiranju u određeni smještaj o čemu odlučuje odbor za brigu o starijim osobama (hemvårdsnämnden).

### **Posebni smještaji za starije osobe su odobreni na osnovu općinskih kriterija**

Općina je sastavila listu kriterija koju firme koje nude poseban smještaj moraju ispuniti da bi bile odobrene za općinsku ponudu posebnih smještaja.

Na taj način se osigurava da briga o starijima može zadržati dobar kvalitet. Općina redovno prati djelatnost firmi koje nude poseban smještaj.

Referent za pružanje pomoći u ovim pitanjima vas može informisati više o samom sistemu izbora smještaja, te o onim smještajima koje možete izabrati u datoj situaciji.

### **Posebni smještaj za starije osobe u okviru općine**

Osobe koje imaju veliku potrebu da se o njima vodi briga i koje, iz različitih razloga, više ne mogu živjeti u svom ličnom prostoru za stanovanje mogu zatražiti preseljenje u poseban smještaj.

Poseban smještaj odobrava referent za pružanje pomoći starijim osobama na osnovu individualnih potreba same osobe. U posebnom smještaju možete dobiti pomoć osoblja 24 sata dnevno. Tamo su, između ostalog, zaposlene medicinske sestre, fizioterapeuti i radni terapeuti.

Osobe koje žive u posebnom smještaju imaju stan ili sobu sa bolničkim krevetom. Ostatak namještaja donosite sami, kao i vašu posteljinu. Postoji zajednička soba za različite aktivnosti i obroke. Svaki posebni smještaj vas može informisati o troškovima stanarine, televizijskoj ponudi i mogućnosti korištenja interneta. Za pitanja stambenog osiguranja kontaktirajte vaše osiguravajuće društvo.

### **Kako izabirate smještaj**

Kada predajete molbu o posebnom smještaju, popunićete i dodatak u kojem navodite koje alternative želite za vaš poseban smještaj i to se onda šalje odjeljenju za pružanje pomoći oko posebnog smještaja starijim osobama.

Osobe koje, iz nekog razloga, ne mogu, ili ne žele, izabrati poseban smještaj dobiće ponudu o posebnom smještaju koji je trenutno dostupan (takozvani nespecificirani posebni smještaj – ickevalsalternativ).

Mogućnost da se poseban smještaj promijeni kasnije postoji. U tom slučaju morate kontaktirati referenta za pružanje pomoći starijim osobama ili službenika/službenicu zaduženu za organizaciju posebnih smještaja u općini.

### **Dodjeljivanje posebnog smještaja**

Službenik ili službenica zadužena za organizaciju posebnih smještaja u okviru općine je osoba koja odlučuje o ponudama slobodnih mjesta za poseban smještaj.

Useljavanje i iseljavanje iz posebnog smještaja se mora odvijati bez kašnjenja. Prilikom useljavanja osoblje datog posebnog smještaja će vam pružiti sve informacije o praktičnim pitanjima, pitanju stanarine i slično.

## **Troškovi posebnog smještaja**

Osoba koja živi u posebnom smještaju plaća stanarinu za svoj boravak. Informacije o troškovima stanarine se mogu dobiti u datom smještaju koji želite. Na troškove stanarine se dodaju troškovi za medicinsku njegu i troškovi ishrane.

## **Kontaktни podaci**

Da biste došli u kontakt sa referentom za pružanje pomoći starijim osobama ili sa službenikom/službenicom za organizaciju posebnih smještaja u okviru općine kontaktirajte Halmstad Direkt na broj telefona 035-13 70 00. Kontaktни podaci za različite firme koje nude poseban smještaj se mogu naći u prezentacijama ili na internetu.

Više informacija, formular za traženje posebnog smještaja i prezentacije različitih posebnih smještaja možete pronaći na internetskoj stranici općine Halmstad, [www.halmstad.se](http://www.halmstad.se).